



Ofisina Sentral di Statistik

Informashon : (+599 9) 839-2300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado

Willemstad, 31 yüli 2026


Desaroyo di preisnan pa konsumidó na Kòrsou pa luna di yüni 2026

Willemstad : For di sifranan di Ofisina Sentral di Statistik (CBS) ku a wòrdu publiká awe, ta resultá ku e nivel general di preis den luna di yüni 2026 a subi kompará ku luna di mei 2026. E sifra índise ta 107,0 den yüni 2026. E kresementu di mei 2026 pa yüni 2026 ta 0,8 porshento. E sifra di inflashon den yüni 2026 ta 1,5 porshento.

Desaroyo di preis pa luna di yüni 2026 kompará ku luna anterior mei 2026


E sifra índise di preis pa konsumidó (CPI) di Kòrsou a subi den luna di yüni 2026 kompará ku luna di mei 2026. E sifra índise den yüni 2026 ta 107,0 (den mei 2026 e sifra índise tabata 106,2). E kresementu di mei 2026 pa yüni 2026 ta 0,8 porshento. Den Figura 1 akibou por mira kon preisnan na Kòrsou ta desaroyá durante aña 2026.

Figura 1. Índise di Preis pa Konsumidó (CPI) di Kòrsou den 2026



Den yüni 2026, preisnan di 3 kategoria di konsumo a subi, mientras ku sobrá kategoria di konsumo a keda igual. E kambionan di preis mas importante durante luna di yüni 2026 ta e subida di preis den: Transporte i Komunikashon (3,2%), Bibienda (0,7%) i Alkòhòl i Tabako(0,3%). Den Figura 2 akibou por haña un bista general di e diferente kategorianan di kosnumo.

Figura 2. Kambionan den e kategorianan di konsumo den luna di yüni 2026




Desaroyo di preis riba término largu

Inflashon ta reflehá pèrdida di balor di sèn, pues di forsa di kompra, dor di subida di preis di produktonan i servisionan pa e konsumidó, riba término largu (usualmente 12 luna). E porshentahe di inflashon pues ta duna un indikashon di e subida promedio di kosto di bida i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta wòrdu kalkulá dor di kompará e promedio di CPI di 12 luna den e luna konserní ku e CPI promedio di 12 luna den mes luna e aña anterior. Si midi e periodo di diesdos luna te ku yüni 2026, kompará ku e mesun periodo un aña anterior, preisnan pa konsumidó na promedio a subi ku 1,5 porshento na yüni 2026. E promedio di CPI di 12 luna a subi di 103,8 na luna di yüni 2025 pa 105,4 na luna di yüni 2026. Figura 3 ta mustrá e desaroyo di e promedio di CPI di 12 luna, for di yüni 2023.

Figura 3. E promedio di 12 luna di e Índise di Preis pa Konsumidó (CPI) for di yüni 2023



Pa mas informashon, por bishitá e wèpsait di CBS: <https://www.cbs.cw/inflationprices>

////////////////////////////////////